



Llywodraeth Cymru
Welsh Government

Pecyn gwybodaeth i ymgeiswyr

Bwrdd Diwydiant Bwyd a Diod Cymru

Penodi Aelod

Dyddiad Cau:

29 Mawrth 2020 am 16.00

Bwrdd Diwydiant Bwyd a Diod Cymru

Cynnwys

Gwneud Cais

Atodiad A: Rôl y Cadeirydd / Aelod

Atodiad B: Rôl a chyfrifoldebau Bwrdd Diwydiant Bwyd a Diod Cymru

Atodiad C: Y broses ddethol

Bwrdd Diwydiant Bwyd a Diod Cymru

Gwneud cais

Diolch am fynegi diddordeb mewn bod yn aelod o Fwrdd Diwydiant Bwyd a Diod Cymru (FDWIB). Mae'r Bwrdd yn cefnogi polisïau a gweithgareddau strategol ehangach Llywodraeth Cymru, yn ogystal â gwneud dyletswyddau statudol yr Is-adran Fwyd. Mae'r Atodiadau sydd ynghlwm yn rhoi manylion rôl yr aelod a manyleb y person, rôl a chyfrifoldebau Bwrdd Diwydiant Bwyd a Diod Cymru a'r broses ddethol.

I wneud cais ewch i wefan penodiadau cyhoeddus Llywodraeth Cymru yma:
<https://cymru-wales.tal.net/vx/lang-cy/mobile-0/appcentre-3/brand-2/xf-643606d0a1d8/candidate/jobboard/vacancy/7/adv/>

I wneud cais i gyflawni'r rôl hon, cliciwch ar swydd wag FDWIB ac yna cliciwch y botwm 'Gwneud Cais' yng nghornel chwith isa'r dudalen. Y tro cyntaf y gwnewch chi gais am swydd, bydd angen ichi llenwi ffurflen gofrestru ar gyfer system ceisiadau ar-lein Llywodraeth Cymru. Dim ond unwaith y mae angen ichi gofrestru, a thrwy wneud hynny byddwch yn gallu dilyn hynt eich cais, ac unrhyw geisiadau eraill rydych yn eu hanfon, trwy'ch cyfrif.

Ar ôl cofrestru, bydd y ffurflen gais ar gael ichi ei llenwi. I wneud cais, bydd angen ichi lanlwytho datganiad personol a CV i adran 'Rhesymau dros wneud cais' y ffurflen gais ar-lein.

Datganiad Personol

Y datganiad personol yw'ch cyfle i ddangos sut rydych yn bodloni pob un o'r meini prawf ym manyleb y person. Chi sydd i benderfynu sut i gyflwyno'r wybodaeth. Ond fe ddylech chi geisio rhoi enghreifftiau manwl sy'n dangos sut y mae'ch gwybodaeth a'ch profiadau yn bodloni pob maen prawf, ac yn disgrifio'ch cyfraniad at gyflawni canlyniad penodol. Byddech yn helpu'r panel dethol hefyd pe baech yn nodi'n glir pa dystiolaeth sy'n berthnasol i ba faen prawf. Mae rhoi paragraffau ar wahân ar gyfer pob maen prawf yn arfer gyffredin.

Ni ddylai'r datganiad personol fod yn hwy na dwy dudalen. Gallem wrthod cais sy'n mynd dros y terfyn hwn.

CV

Sicrhewch fod eich CV yn cynnwys manylion bras eich swydd bresennol neu eich swydd ddiweddaraf a'ch dyddiadau yn y swydd honno. Nodwch unrhyw benodiadau Gweinidogol presennol neu flaenorol.

Amserlen Fras

Dyddiad cau:	29 Mawrth 2020
Llunio rhestr fer:	yr wythnos sy'n cychwyn 25 Mai 2020
Cyfweliadau:	yr wythnos sy'n cychwyn 8 Mehefin 2020

Datganiad am Amrywiaeth

Mae Llywodraeth Cymru o'r farn y dylai aelodau byrddau cyrff cyhoeddus adlewyrchu cymdeithas Cymru - gyda phobl o bob cefndir - er mwyn helpu'r byrddau i ddeall anghenion pobl a gwneud penderfyniadau gwell. Dyna pam mae Llywodraeth Cymru yn annog ystod eang ac amrywiol o unigolion i wneud cais am swyddi ar gyrf cyhoeddus. Rydym yn croesawu'n arbennig geisiadau gan bob grŵp sydd heb

Bwrdd Diwydiant Bwyd a Diod Cymru

gynrychiolaeth ddigonol gan gynnwys menywod, pobl dan 30 oed, pobl o gefndir du, Asiaidd a lleiafrifoedd ethnig, pobl anabl a phobl lesbiaidd, hoyw, deurywiol a thrawsryweddol.

Cynllun Gwarantu Cyfweliad – Yn Gadarn o Blaid Pobl Anabl

Mae Llywodraeth Cymru yn gweithredu cynllun O Blaid Pobl Anabl ac yn croesawu ceisiadau gan bobl ag anableddau. Mae'r cynllun hwn yn addo cyfweliad i bobl sydd ag anableddau os ydynt yn bodloni gofynion sylfaenol y swydd. Mae'r ffurflen gais hefyd yn eich galluogi i nodi unrhyw anghenion penodol sydd gennych neu offer penodol y gall fod ei angen arnoch os cewch wahoddiad i gael cyfweliad.

Manylion Cyswllt:

I gael rhagor o wybodaeth am y broses ddethol, cysylltwch â:

Penodiadau Cyhoeddus

Uned Cyrff Cyhoeddus

E-bost: penodiadaucyhoeddus@llyw.cymru

I gael rhagor o wybodaeth am rôl Bwrdd Diwydiant Bwyd a Diod Cymru a rôl ei aelodau, cysylltwch â David Morris:

Ffôn: 0300 025 7944

E-bost: Chair.FDWIB@gov.wales

Os oes angen rhagor o help arnoch chi i wneud cais am y rôl hon, cysylltwch penodiadaucyhoeddus@llyw.cymru.

I gael rhagor o wybodaeth am Benodiadau Cyhoeddus yng Nghymru, ewch i www.llyw.cymru/penodiadaucyhoeddus.

Penodi aelod o Fwrdd Diwydiant Bwyd a Diod Cymru

Disgrifiad o'r rôl a manyleb y person

Rôl a chyfrifoldebau

Fel aelod bydd disgwyl ichi:

- fynd i gyfarfodydd y Bwrdd pan ofynnir i chi
- parhau i gadw'ch bys ar byls datblygiadau ac anghenion y sector bwyd
- fod yn wybodus iawn ynghylch cyd-ddibyniaeth a chyfleoedd y diwydiant bwyd, ei is-sectorau a'r gadwyn gyflenwi yn y DU, yr Undeb Ewropeaidd a gweddill y byd.
- deall yn glir Saith Egwyddor Bywyd Cyhoeddus Nolan ac ymrwymo iddynt.

Manyleb y Person

Er mwyn cael eich ystyried, rhaid ichi allu dangos bod gennych y rhinweddau, y sgiliau a'r profiad i fodloni pob un o feini prawf hanfodol y swydd.

Meini Prawf Hanfodol

- gwybodus iawn am ddiwydiant bwyd Cymru, y DU, yr UE neu'r byd
- profiad ariannol, masnachol neu lywodraethu ar lefel uwch
- profiad helaeth iawn o rai is-sectorau megis llaeth, cig, pobi, organig, garddwriaeth, pysgodfeydd neu ddyframaethu
- gweithgynhyrchu bwyd a/neu ddatblygu marchnadoedd
- dealltwriaeth dda o'r gadwyn fwyd a'r gyd-ddibyniaeth ynddi
- eithriadol o wybodus ym meysydd: rheoli busnes neu ymchwil neu farchnata neu arloesi neu ddatblygu sgiliau
- ymrwymiad i egwyddorion cydraddoldeb, amrywiaeth ac atebolrwydd

Byddai'n ddymunol pe bai aelodau'r bwrdd yn meddu ar y rhinweddau canlynol:

- hunan ymwybyddiaeth a dealltwriaeth o'r sefydliad
- yn gallu dod i gasgliadau doeth
- yn gwrando'n weithredol gyda meddwl agored
- yn cymryd rhan mewn trafodaethau, gan roi sylwadau perthnasol
- yn mynegi barn heb flewyn ar dafod ond gyda pharch
- yn dangos mentergarwch a chraffter
- yn meddwl yn rhesymegol, ac yn greadigol hefyd
- yn gwneud penderfyniadau drosto'i hun
- yn rhoi cyngor ar sail profiad
- yn ffurfio perthynas gydweithredol ag aelodau eraill y bwrdd a lle bo gofyn, yn rhoi arweiniad a chyngor i'r tîm gweithredol
- yn ymddwyn yn driw i gefnogi penderfyniadau'r bwrdd yn ei gyfanrwydd

Bwrdd Diwydiant Bwyd a Diod Cymru

Mae nifer o leoedd gwag ar y bwrdd. Bydd y bwrdd yn elwa o gael ymgeiswyr sydd â phrofiad helaeth o'r sector bwyd a diod a rhai o'r meysydd canlynol, fel rheoli busnes, marchnata a brandio, adwerthu a gwasanaethau bwyd gan gynnwys twristiaeth bwyd, datblygu masnach mewn marchnadoedd domestig ac allforio, sgiliau'r diwydiant bwyd a chynhyrchiant, clystyrau'r diwydiant, trosglwyddo gwybodaeth, ymchwil a datblygu ac arloesi.

Caiff cyfarfodydd eu cynnal mewn llefydd sy'n gyfleus i'r aelodau, chyda chytundeb y bwrdd. Gofynnir i aelodau fynd i gyfarfodydd a digwyddiadau eraill ambell waith ar ran y bwrdd a Llywodraeth Cymru.

Y Gymraeg

Byddai sgiliau Gymraeg yn ddymunol ar gyfer o leiaf 3 o'r swyddi. Er nad yw sgiliau Gymraeg yn hanfodol, dylai'r holl ymgeiswyr ddangos eu bod yn deall pwysigrwydd y Gymraeg mewn Cymru ddwyieithog a gwerthfawrogi polisïau a strategaethau Llywodraeth Cymru o blaid yr iaith.

Mae Llywodraeth Cymru'n cydnabod pwysigrwydd datblygu a meithrin galluedd dwyieithog y rheini sy'n cael eu penodi i swyddi cyhoeddus yng Nghymru ac yn croesawu ceisiadau gan ymgeiswyr sy'n gallu dangos eu bod yn gallu gweithio trwy'r Gymraeg a'r Saesneg.

Ffeithiau allweddol am y swydd

Dyddiad dechrau

Disgwylir cynnal eich cyfarfod cyntaf chi o'r bwrdd yn haf 2020.

Lleoliad

Caiff cyfarfodydd y bwrdd eu cynnal mewn llefydd amrywiol yng Nghymru sy'n gyfleus i'r bwrdd.

Ymrwymiad Amser

Disgwylir i aelodau fod ar gael i weithio o leiaf un diwrnod bob tri mis gan y bydd y bwrdd yn cwrdd o leiaf bedair gwaith y flwyddyn.

Bydd disgwyl ichi fod ar gael i gwrdd bob chwarter neu fel ag sydd ei angen i ddiwallu anghenion y bwrdd. Bydd tebygolrwydd y bydd hyd at wyth niwrnod y flwyddyn o waith ychwanegol rhwng cyfarfodydd y bwrdd. Gallai hynny gynnwys gwaith prosiect is-grwpiau, cynhadledd diwedd blwyddyn neu fynd i ddigwyddiad sy'n cael ei noddi gan Lywodraeth Cymru er lles y diwydiant er enghraifft.

Hyd y penodiad

Bydd eich penodiad yn dechrau ym mis Gorffennaf 2020.

Tâl cydnabyddiaeth

Ni fydd tâl am fod yn aelod.

Treuliau

Caiff unrhyw dreuliau teithio a chynhaliaeth a allai ddeillio o fynd i gyfarfod y bwrdd neu ar ran y bwrdd eu had-dalu gan Lywodraeth Cymru ar y gyfradd a delir ar hyn o bryd i aelodau pwyllgorau'r llywodraeth. Dylid hawlio ad-daliadau oddi wrth Is-adran Fwyd Llywodraeth Cymru.

Bwrdd Diwydiant Bwyd a Diod Cymru

O ddangos anfonebau, mae'n bosibl y byddwch hefyd yn gymwys i hawlio ad-daliad ar gyfer costau gofal plant/gofal yr henoed/gofalwr cynorthwyol wrth weithio ar ran y bwrdd.

Yr Ysgrifenyddiaeth

Darperir y gwasanaethau ysgrifenyddol gan Is-adran Fwyd Llywodraeth Cymru.

Cymorth i Aelodau Anabl

Lle bo hynny'n briodol, gwneir pob addasiad rhesymol i alluogi'r aelodau gyflawni eu dyletswyddau'n effeithiol.

Pwy sy'n cael gwneud cais

Dylai ymgeiswyr ymddwyn bob amser mewn modd a fydd yn ennyn hyder y cyhoedd.

Yn benodol, rhaid i'r ymgeiswyr ddatgan a ydynt yn gwybod am unrhyw beth, yn eu bywydau preifat neu broffesiynol, a allai achosi embaras iddynt hwy neu i Lywodraeth Cymru petai'n dod yn hysbys ar ôl iddynt gael eu penodi.

Gwrthdaro buddiannau

Bydd gofyn ichi ddatgan unrhyw fuddiannau preifat a allai fod, neu y gellid dehongli eu bod, yn gwrthdaro â'ch rôl a'ch cyfrifoldebau fel Aelod o Fwrdd Diwydiant Bwyd a Diod Cymru, gan gynnwys buddiannau busnes neu swyddi o awdurdod y tu allan i'r rôl ar Fwrdd Diwydiant Bwyd a Diod Cymru.

Bydd unrhyw wrthdaro buddiannau yn cael ei drafod yn y cyfweiliad. Os byddwch yn cael eich penodi, bydd disgwyl ichi hefyd ddatgan y buddiannau hyn ar gofrestr sydd ar gael i'r cyhoedd.

Diwydrwydd Dyladwy

Caiff archwiliadau diwydrwydd dyladwy eu cynnal ar bob ymgeisydd gaiff ei ddewis i ddod i'r cyfweiliad. Bydd hynny'n cynnwys ymhlith efallai pethau eraill, chwiliadau yn y cyfryngau cymdeithasol a'r Rhyngrwyd. O ganlyniad, gallem ofyn cwestiynau ichi yn y cyfweiliad am ffrwyth yr archwiliadau diwydrwydd dyladwy hyn.

Safonau mewn bywyd cyhoeddus

Bydd disgwyl ichi arfer safonau uchel o ran ymddygiad corfforaethol a phersonol. Gofynnir i bob ymgeisydd llwyddiannus gydymffurfio â'r Cod Ymddygiad ar gyfer Aelodau Bwrdd Cyrff Cyhoeddus. Gallwch weld y ddogfen yn:

<https://www.gov.uk/government/publications/code-of-conduct-for-board-members-of-public-bodies>.

Rôl a chyfrifoldebau Bwrdd Diwydiant Bwyd a Diod Cymru

Y Cefndir

Cafodd Bwrdd Diwydiant Bwyd a Diod Cymru ei greu i fod yn llais i'r diwydiant bwyd a diod yng Nghymru ac i roi cyfeiriad, annog rhyngweithio a rhannu gwybodaeth hanfodol. Hefyd, mae'n darparu ffyrdd ffurfiol ac anffurfiol o gynnig cyngor i'r Lywodraeth.

Rôl y Bwrdd

Amcanion a nodau'r Bwrdd yw:

- Gweithio yn unol â pholisi'r Gweinidog.
- Cyngori gweinidogion ar sefydlu ymyriadau a mecanweithiau cymorth i wneud y gorau o'r cyfleoedd economaidd i Gymru yn y sector bwyd a diod.
- Cyflawni'r nodau canlynol:
 - Argymhellion ynghylch mecanweithiau, prosesau, cymorth ac ymyriadau i sicrhau twf yn y sector bwyd a diod ac i greu swyddi
 - Rhoi cyngor ar ddatblygu masnach mewn marchnadoedd domestig a thramor, a chefnogi'r datblygu hwnnw
 - Ymchwilio i ddulliau newydd a gwell o hyrwyddo arloesedd yn y sector, a dylanwadu arnynt
 - Rhoi cyfeiriad ar gyfer gwella'r sylfaen sgiliau yn y sector, gan ddenu pobl newydd a chadw gweithlu medrus
- Rhoi Cyngor i Lywodraeth Cymru wrth iddi fynd ati, yng Nghymru, i sefydlu mesurau ar gyfer y sectorau hyn yn y tymor byr, y tymor canolig a'r tymor hir.
- Cadw mewn cysylltiad â chyrrff, rhanddeiliaid, rhwydweithiau a buddiannau sectorau eraill i sicrhau yr ymdrinnir â phryderon ac y manteisir ar gyfleoedd.
- Rhoi cyngor ynghylch pa mor effeithiol yw gweithgareddau datblygu economaidd yn y sectorau hyn, gan ganolbwyntio'n benodol ar gadwyni cyflenwi; ar gyfleoedd i greu swyddi; ac ar rwystrau posibl o safbwynt seilwaith neu reoleiddio, gan gynnwys, ymhlith pethau eraill, datblygu busnes a masnach dramor.
- Bod yn ymwybodol o bolisïau mewn rhannau eraill o'r DU a thu hwnt er mwyn dysgu oddi wrthynt a gwerthuso perfformiad cymharol Cymru i lywio'r cynllun gweithredu.
- Monitro cynnydd ar sail y Strategaeth a dweud wrth swyddogion a'r gweinidog am bryderon lle bo gofyn.
- Cadw golwg ar y Strategaeth a'i chynlluniau cyflawni i sicrhau y gwneir y defnydd gorau o wybodaeth newydd am y farchnad ac ymateb yn gyflym i amgylchiadau newydd a datblygiadau economaidd.
- Rhoi'r wybodaeth ddiweddaraf i weinidogion am waith y Bwrdd, ei berthnasedd i'r cynllun gweithredu ac am dwf a datblygiad y diwydiant bwyd a diod.

Y broses ddethol

Bydd y panel cyfweld yn asesu CV a datganiad personol pob ymgeisydd i benderfynu pwy sy'n bodloni'r meini prawf ar gyfer y rôl orau, a phwy fydd yn cael eu gwahodd i gyfweliad. Bydd y panel yn dibynnu'n llwyr ar yr wybodaeth a ddarperwch yn eich CV a'ch datganiad i asesu a oes gennych y sgiliau a'r profiad sydd eu hangen. Gofalwch felly eich bod yn darparu tystiolaeth sy'n dangos sut yr ydych yn bodloni'r holl feini prawf hanfodol.

Y panel dethol fydd:

- Cynrychiolydd Llywodraeth Cymru (Cadeirydd Panel): Tim Render, Cyfarwyddwr Tir, Natur a Bwyd
- Cadeirydd Bwrdd Diwydiant Bwyd a Diod Cymru: Andy Richardson
- Aelod Annibynnol: Heather Myers, Prif Weithredwr Siambr Fasnach De a Chanolbarth Cymru (i'w gadarnhau)

Gan ddibynnu ar nifer y ceisiadau a ddaw i law, efallai y caiff eich cais ei roi ar "restr hir" cyn iddo gael ei roi i'r panel i lunio rhestr fer. Dylech fod yn ymwybodol efallai na fydd eich cais yn cael ei ystyried yn llawn gan y panel cyfan.

Rydym yn rhagweld y bydd y panel wedi penderfynu yn ystod Mai 2020 pwy fydd yn cael ei wahodd i gyfweliad ym mis Mehefin 2020.

Dim ond yr ymgeiswyr cryfaf y mae'r panel yn credu sydd wedi dangos eu bod yn bodloni'r meini prawf a nodwyd yn adran manyleb y person orau fydd yn cael eu gwahodd i gyfweliad. Er hynny, os ydych wedi ymgeisio o dan y cynllun gwarantu cyfweliad, a'ch bod yn bodloni'r meini prawf hanfodol ar gyfer y swydd, byddwch hefyd yn cael eich gwahodd i gyfweliad.

Os cewch eich gwahodd i gyfweliad ac nad yw'r dyddiad eisoes wedi'i nodi yn y pecyn gwybodaeth hwn, byddwn yn rhoi cymaint o rybudd â phosibl ichi o ddyddiad y cyfweliad. Os na allwch ddod i'r cyfweliad ar y diwrnod hwnnw, fe wnawn ein gorau i'w aildrefnu ond efallai na fydd hynny'n bosib oherwydd cyfyngiadau'r amserlen ar gyfer penodi neu am na fydd y panel dethol ar gael.

Fe gewch e-bost trwy'r system benodi i roi gwybod ichi a ydych wedi eich gwahodd i gyfweliad ai peidio. Ein bwriad yw cynnal y cyfweliadau yng Nghaerdydd.

Os cewch eich gwahodd i gyfweliad, bydd y panel yn eich holi am eich sgiliau a'ch profiad, gan ofyn cwestiynau penodol i asesu a ydych yn bodloni gofynion y swydd.

Bydd yr ymgeiswyr y bydd y panel yn credu sy'n addas i'w penodi yn cael eu hargymell i'r Gweinidogion, a fydd yn gwneud y penderfyniad terfynol. Caiff y Gweinidog ddewis cyfarfod â'r ymgeiswyr hyn cyn gwneud penderfyniad. Os felly, bydd yn cyfarfod â'r holl ymgeiswyr ym mhresenoldeb cadeirydd y panel neu ei gynrychiolydd enwebedig. Bydd bwlch amser rhwng y cyfweliad a'r penderfyniad

Bwrdd Diwydiant Bwyd a Diod Cymru

penodi terfynol. Bydd yr ymgeiswyr a fydd wedi'u cyfweld yn cael yr wybodaeth ddiweddaraf am hynt y broses honno.

Os byddwch yn llwyddiannus, cewch llythyr yn eich penodi'n Aelod o Fwrdd Diwydiant Bwyd a Diod Cymru, a fydd yn cadarnhau telerau'r penodiad.

Os na fyddwch yn llwyddiannus yn y cyfweiliad, bydd Llywodraeth Cymru yn rhoi gwybod ichi. Rydym yn gwerthfawrogi bod yn rhaid wrth gryn ymdrech ac amser i ymgeisio am swyddi a bod cael adborth yn rhan werthfawr o'r broses. O ganlyniad, bydd y llythyr yn cynnwys manylion yr unigolyn y gallwch gysylltu ag ef i gael adborth am eich cyfweiliad a'ch cais, os dymunwch wneud hynny.

Ymholiadau

Os oes gennych gwestiynau ynglŷn â'ch cais, cysylltwch penodiadaucyhoeddus@llyw.cymru.

Os nad ydych yn hollol fodlon

Mae Llywodraeth Cymru yn ceisio prosesu'r holl geisiadau mor gyflym â phosibl a thrin pob ymgeisydd yn gwrtais. Os ydych am gwyno am y ffordd y cafodd eich cais ei drin, cysylltwch penodiadaucyhoeddus@llyw.cymru.